

পেমেন্ট সিস্টেমস ডিপার্টমেন্ট

বাংলাদেশ ব্যাংক

প্রধান কার্যালয়, ঢাকা।

পিএসডি সার্কুলার নং- ০১/২০১৭

তারিখঃ ২৮ পৌষ, ১৪২৩

১১ জানুয়ারী, ২০১৭

ব্যবস্থাপনা পরিচালক/প্রধান নির্বাহী কর্মকর্তা  
মোবাইল ফিন্যান্সিয়াল সার্ভিসেস প্রদানরত ব্যাংক ও তার সাবসিডিয়ারীসমূহ

প্রিয় মহোদয়,

মোবাইল ফিন্যান্সিয়াল সার্ভিসেস প্রদান সংক্রান্ত নির্দেশনাবলী প্রসঙ্গে।

পেমেন্ট সিস্টেমস ডিপার্টমেন্ট কর্তৃক জারিকৃত ২৭/১১/২০১৪ তারিখের পিএসডি সার্কুলার নং-০৭/২০১৪ এবং ০১/০৯/২০১৩ তারিখের পিএসডি সার্কুলার লেটার নং-০১/২০১৩ এর প্রতি আপনাদের দৃষ্টি আকর্ষণ করা যাচ্ছে।

মোবাইল ফিন্যান্সিয়াল সার্ভিসেস একটি দ্রুত বিকাশমান সেবা যা অতি অল্প সময়ে সমাজের বিভিন্ন স্তরের বিশেষতঃ নিম্ন আয়ের জনগোষ্ঠীর মধ্যে বিপুল জনপ্রিয়তা পেয়েছে। কিন্তু, কতিপয় অসাধু ব্যক্তি এ সেবাটির অপব্যবহার করছে মর্মে অভিযোগ পাওয়া গেছে যা দেশ ও জাতির জন্য ক্ষতিকর।

এ প্রেক্ষিতে মোবাইল ফিন্যান্সিয়াল সার্ভিসেস এর অপব্যবহার রোধকল্পে এবং এর সুশৃঙ্খল ও যথাযথ ব্যবহার নিশ্চিতকল্পে নিম্নলিখিত নির্দেশনাসমূহ প্রস্তুত করা হয়েছে যা যথার্থভাবে পরিপালনের জন্য আপনাদেরকে পরামর্শ দেয়া হলো :


- ২৭/১১/২০১৪ তারিখের পিএসডি সার্কুলার নং-০৭/২০১৪ এর মর্মার্থ মোতাবেক একজন ব্যক্তি কোন এমএফএস প্রোভাইডার এর সাথে একাধিক মোবাইল হিসাব চলমান রাখতে পারবেন না। সে প্রেক্ষিতে কোন গ্রাহকের একই জাতীয় পরিচয়পত্র/স্মার্ট কার্ড বা অন্য কোন পরিচয়পত্রের বিপরীতে আপনাদের সাথে একাধিক মোবাইল হিসাব থাকলে উক্ত গ্রাহকের সাথে আলোচনা করে তার বেছে নেয়া যে কোন একটি মোবাইল হিসাব চালু রেখে অন্য হিসাবগুলো বন্ধ করার প্রয়োজনীয় ব্যবস্থা গ্রহণ করতে হবে। কোন ক্ষেত্রে গ্রাহকের সাথে আলোচনা করে এরূপ ব্যবস্থা গ্রহণ দুরূহ হলে যে হিসাবটিতে সর্বশেষ লেনদেন হয়েছে তা চালু রেখে অন্য হিসাবগুলো বন্ধ করতে হবে।
- উপরিলিখিত পদক্ষেপ গ্রহণকালে যে সকল মোবাইল হিসাব বন্ধ করা হবে তার সমুদয় স্থিতি সংশ্লিষ্ট গ্রাহককে পরিশোধ/প্রদান বা হস্তান্তরের যথাযথ ব্যবস্থা গ্রহণ করতে হবে।
- মোবাইল ফিন্যান্সিয়াল সার্ভিসেসের ব্যক্তি হিসাবের ক্ষেত্রে লেনদেন সীমা নিম্নরূপে পুনঃনির্ধারণ করা হ'ল :-

লেনদেনের ধরণ	লেনদেন সীমা
ক্যাশ-ইন	ক. দিনে সর্বোচ্চ মোট ১৫,০০০/- টাকা অনধিক ২ বারে খ. মাসে সর্বোচ্চ মোট ১,০০,০০০/- টাকা অনধিক ২০ বারে
ক্যাশ-আউট	ক. দিনে সর্বোচ্চ মোট ১০,০০০/- টাকা অনধিক ২ বারে খ. মাসে সর্বোচ্চ মোট ৫০,০০০/- টাকা অনধিক ১০ বারে গ. একটি মোবাইল হিসাবে ক্যাশ-ইন হওয়ার পর ২৪ ঘন্টার মধ্যে ঐ হিসাব থেকে সর্বোচ্চ ৫০০০/- টাকার বেশী নগদ উত্তোলন (ক্যাশ-আউট) করা যাবে না।
P2P অর্থ স্থানান্তর	পূর্ব নির্ধারিত সীমা, অর্থাৎ, প্রতিদিন সর্বোচ্চ টাকা ১০,০০০/- এবং মাসিক ভিত্তিতে সর্বমোট টাকা ২৫,০০০/- বলবৎ থাকবে।

৪. কোন মোবাইল হিসাবে ৫০০০/- টাকা এবং তদূর্ধ্ব নগদ অর্থ জমা (ক্যাশ-ইন) বা উত্তোলন (ক্যাশ-আউট) করার ক্ষেত্রে গ্রাহক কর্তৃক তাঁর পরিচয়পত্র/স্মার্ট কার্ড বা তার ফটোকপি এজেন্টকে প্রদর্শন করতে হবে এবং এজেন্ট গ্রাহকের জাতীয় পরিচয়পত্র নম্বর রেজিস্টারে লিপিবদ্ধ করবেন।
৫. এজেন্ট গ্রাহকের মোবাইল হিসাবে নগদ অর্থ জমাকরণ (ক্যাশ-ইন) এবং উত্তোলনের (ক্যাশ-আউট) বিবরণ পৃথক পৃথক রেজিস্টারে লিপিবদ্ধ করবেন এবং লিপিবদ্ধ প্রত্যেকটি লেনদেনের বিপরীতে গ্রাহকের স্বাক্ষর বা টিপসহি সংরক্ষণ করতে হবে।
৬. উপরিলিখিত কার্যাদি এজেন্ট যথাযথভাবে সম্পন্ন করবেন এবং বর্ণিত কার্যাদি সম্পাদনে এজেন্টের গাফিলতির প্রমাণ পাওয়া গেলে এজেন্টের এজেন্সিশীপ বাতিল করতে হবে। সে লক্ষ্যে, এজেন্টদের উপর আপনাদের নজরদারি জোরদার করতে হবে।
৭. উপরের ১ এবং ২ নং ক্রমিকে বর্ণিত বিষয়ে আপনাদের গৃহীত পদক্ষেপ মাসিক ভিত্তিতে বাংলাদেশ ব্যাংককে অবহিত করতে হবে। প্রতি মাসের বিবরণী পরবর্তী মাসের ৭ তারিখের মধ্যে বাংলাদেশ ব্যাংককে প্রেরণ করতে হবে।
৮. ০১/০৯/২০১৩ তারিখের পিএসডি সার্কুলার লেটার নং-০১/২০১৩ এর অন্যান্য নির্দেশনা অপরিবর্তিত থাকবে।

বর্ণিত নির্দেশনাবলী সার্কুলার জারির দিন থেকে কার্যকর হবে।

আপনাদের বিশ্বস্ত,



(লীলা রশিদ)

মহাব্যবস্থাপক

ফোনঃ ৯৫৩০১৭৪

ইমেইলঃ [lila.rashid@bb.org.bd](mailto:lila.rashid@bb.org.bd)